

# AKTI I THEMELIMIT DHE STATUTI

## “RADIUS” SH.P.K

### Neni 1

#### Emërtimi

1.1 Sot, më datë 25.01.2023 krijohet një shoqëri me përgjegjësi të kufizuar, emri i së cilës është “RADIUS” Sh.P.K, në vijim e referuar shkurt si “Shoqëria”.

### Neni 2

#### Themelimi dhe Personaliteti juridik

2.1 Shoqëria themelohet bazuar në legjislacionin shqiptarë në fuqi dhe fiton personalitet juridik me regjistrimin në Regjistrin Tregtar pranë Qendrës Kombëtare të Biznesit.

2.2 Shoqëria e ushtron aktivitetin e saj në përputhje me legjislacionin shqiptar dhe me kete dokument i cili përfshin akt themelin dhe Statutin e saj.

### Neni 3

#### Selia

3.1 Selia e Shoqërisë është në adresën: Rr. “Jordan Misja”, Pallati Otto-Al, Hyrja 1, Apt 41 Tiranë, Shqipëri.

3.2 Shoqëria mund të hapë dhe mbajë zyra dhe/ose të kryejë aktivitete në vende të tjera, brenda ose jashtë Republikës së Shqipërisë, si dhe të hapë ose mbyllë zyra në vende të ndryshme përvèç selisë së Shoqërisë brenda territorit shqiptar.

### Neni 4

#### Kohëzgjatja

4.1 Kohëzgjatja e Shoqërisë është për një periudhë kohore të pacaktuar, duke filluar nga data e regjistrimit në Regjistrin Tregtar pranë Qendrës Kombëtare të Biznesit.

### Neni 5

#### Objekti

5.1 **Shoqëria do ketë këtë objekt aktiviteti:** “Automjete me Qira; Shitje dhe Blerje Automjetesh; Shërbime me Shofer. Konsulencë Ligjore dhe Financiare të cdo lloji, Shërbime Avokatje. Shërbime Turistike të cdo lloji; Agjensi Turistike dhe/ose Operator Turistik, Shitje Paketash Turistike dhe Biletave të udhëtimit të cdo lloji, akomodimi në hotele dhe struktura të tjera akomodimi. Veprimtari ekonomike në fushën e Real Estate duke përfshire por pa u kufizuar në: Shitje-Blerje, ndërmjetësim në transaksione, marrje dhe dhënie me Qira, Apartamente me Qira ditore etje. Menaxhim dhe zhvillim të pasurive të paluajtshme për të tretë. Konsulence marketingu. Gjithashtu, shoqëria mund të kryejë çdo aktivitet tjetër biznesi qe i sherben rritjes dhe zhvillimit të saj i cili nuk është i ndaluar nga ligji i zbatueshëm në Republikën e Shqipërisë.


### Neni 6

#### Kapitali i Shoqërisë

6.1 Kapitali themeltar i Shoqërisë është në vlerën **1000** lekë (njëmie leke). Kapitali i Shoqërisë është nënskruar dhe paguar nga ortakët dhe përbëhet në tërësi nga kontribute në para.

6.2 Kapitali i Shoqërisë i Shoqërisë zotërohet nga 1 (nje) ortakë sipas strukturës së ortakëve më poshtë:

- **Amarildo Shehu** zoteron një kuotë në kapitalin e Shoqërisë, me vlerë të barabartë me kontributet e nënskruara në shumën prej **1000** (njëmie) Lekë, të cilat përfaqësojnë **100 %** (*njeqind për qind*) të kapitalit të regjistruar të Shoqërisë;



6.3 Kuotat, me vendim të Asamblesë së Përgjithshme dhe pas ushtrimit të së drejtës së parablerjes ndaj ortakëve të tjerë të Shoqërisë sipas parashikimeve statutore, janë te zakonshme, lirisht të transferueshme tek çdo individ ose person juridik nëpërmjet kontratës së shitblerjes, trashëgimisë, dhurimit ose nëpërmjet çdo mënyre tjetër dhe forme të parashikuar nga ligji dhe/ose statutit.

6.4 Përgjegjësia e ortakëve për humbjet e Shoqërisë shtrihet deri në vlerën e pashlyer të kontributit të nënshkruar prej tyre.

#### **Neni 7**

##### **Zmadhimi i kapitalit**

7.1 Zmadhimi i kapitalit bëhet me vendim të Asamblesë së Përgjithshme sipas nenit 13 të këtij Statuti.

7.2 Zmadhimi i kapitalit mund të bëhet me derdhje në para ose me kontribute në natyrë. Në çdo rast këto kontribute duhet të shoqérohen me një certifikatë për nënshkrimin e tyre ose një raport vlerësimi të kontributeve të kryer nga një ekspert i vlerësimit të kontributeve në natyrë.

#### **Neni 8**

##### **Zvogëlimi i kapitalit**

8.1 Zvogëlimi i kapitalit bëhet me vendim të Asamblesë së Përgjithshme me propozim të administratorit/ëve, vetëm në rastin kur Shoqëria mund të pësojë humbje të tillë që ta bëjnë të domosdoshëm këtë zvogëlim.

8.2 Asambleja e Përgjithshme vendos për zvogëlimin e kapitalit sipas nenit 13 të këtij Statuti.

#### **Neni 9**

##### **Transferimi i kuotave**

9.1 Transferimi i kuotave ose pjesëve të tyre të kapitalit të Shoqërisë mund të bëhet me shitje, trashëgimi, dhurim ose me çdo mënyrë tjetër të parashikuar nga ligji.

#### **Neni 10**

##### **Transferimi tek personat e tretë**

10.1 Në rast transferimi të kuotave tek persona të tretë jashtë Shoqërisë, me shitje ose me dhurim, ortaku që synon të transferojë kuotat duhet t'i komunikojë ortakëve të tjerë vullnetin e tij me shkrim, nëpërmjet një njoftimi drejtar Administratorit. Ortakët e tjerë kanë të drejtën e parablerjes së kuotave të ortakëve, me kushte të barabarta, dhe duhet ta ushtrojnë këtë të drejtë brenda 30 ditëve nga marrja e njoftimit të vullnetit të ortakut për të transferuar kuotat.


10.2 Në rast mosmarrëveshje midis palëve, vlera e kuotës që transferohet mund të përcaktohet nga një ekspert i emëruar nga ortakët me marrëveshje ose nga gjykata në rast se ortakët nuk bien dakord.

#### **Neni 11**

##### **Asambleja e Përgjithshme**

11.1 Asambleja e Përgjithshme është organi më i lartë vendimmarrës i Shoqërisë dhe merr vendime kur është mbledhur rregullisht.

11.2 Vendimet e marra nga Asambleja e Përgjithshme, e thirrur dhe e mbledhur rregullisht, në përputhje me ligjin dhe me këtë Statut janë të detyrueshme për të gjithë ortakët përfshirë ata që mungojnë.



11.3 Asambleja e Përgjithshme mblidhet në rastet e parashikuara nga ky Statut, nga ligji në fuqi "Për tregtarët dhe shoqëritë tregtare" i ndryshuar, ligje të tjera dhe sa herë është e nevojshme për mbrojtjen e interesave të Shoqërisë.

11.4 Asambleja e Përgjithshme mbahet në selinë e Shoqërisë ose në çdo vend tjetër të shënuar në njoftimin për mbledhje. Njoftimi për mbledhje i dërgohet me shkrim ose e-mail të gjithë ortakëve jo më vonë se 7 (shtatë) ditë përpara datës së mbledhjes. Njoftimi duhet të përmbajë vendin, datën, orën dhe rendin e ditës së mbledhjes.

11.5 Mbledhja e Asamblesë së Përgjithshme thirret nga administratorët. Thirrja e Asamblesë së Përgjithshme mund të kërkohet edhe nga ortaku ose ortakët që përfaqësojnë të paktën 5% të kapitalit të shoqërisë me të drejtë vote në Asamblenë e Përgjithshme.

11.6 Asambleja e Përgjithshme thirret në sesione të zakonshme e jashtëzakonshme.

#### Neni 12

##### Asambleja e Zakonshme

12.1 Asambleja e zakonshme mblidhet, çdo vit brenda gjashtë muajve nga data e mylljes së vitit finanziar, për miratimin e raportit të administratorëve, pasqyrave financiare dhe llogarive vjetore.

12.2 Vendimet e zakonshme merren nga ortakët me të drejtë vote, të pranishëm në mbledhjen e asamblesë, që përfaqësojnë të paktën 80% të kapitalit të Shoqërisë.

12.3 Nëse nuk arrihet kuorumi sipas pikës 12.2, Asambleja do të mblidhet përsëri jo më vonë se 30 ditë me të njëtin rend dite. Nëse edhe në mbledhjen e dytë nuk do të arrihet kuorumi i nevojshëm, ortakët e pranishëm përbëjnë kuorumin e kërkuar për marrjen e vendimit.

#### Neni 13

##### Asambleja e Jashtëzakonshme

13.1 Asambleja e Përgjithshme thirret në sesione të jashtëzakonshme sa herë është e nevojshme për marrjen e vendimeve në interes të Shoqërisë.

13.2 Vendimet që kanë të bëjnë me (*por pa u kufizuar vetëm në to*): ndryshimin e këtij Statuti pjeserisht apo plotesisht, zmadhimin ose zgjelimin e kapitalit të Shoqërisë, ndryshimin thelbësor të objektit të veprimtarisë së Shoqërisë, ndarjen e fitimeve, prishjen e Shoqërisë, bashkimin e saj me shoqeri tjera, transferimin e plote ose te pjesshem te kuotave, likudimin e shoqerise konsiderohen vendime të jashtëzakonshme.

13.3 Vendimet e jashtëzakonshme merren nga ortakët me të drejtë vote, të pranishëm në mbledhjen e asamblesë, që përfaqësojnë me shume se 80% të kapitalit të Shoqërisë.


13.4 Nëse nuk arrihet kuorumi sipas pikës 13.3, asambleja mblidhet përsëri jo më vone se 30 ditë me të njëtin rend dite. Në rast se në mbledhjen e dytë nuk arrihet kuorumi, ortakët e pranishëm ose rregullisht të përfaqësuar do të përbëjnë kuorumin.

#### Neni 14

##### Pjesëmarrja, Votimi dhe Përfaqësimi

14.1 Secili ortak ka të drejtën e pjesëmarrjes dhe të drejtën e një vote në mbledhjen e Asamblesë së Përgjithshme. Vota e secilit prej ortakëve është e barabartë me vlerën e kontributeve të nënshkruara dhe shlyera dhe përrlogaritet në proporcione përqindjen e zotëruar dhe që përfaqëson në kapitalin e Shoqërisë.

14.2 Secili ortak mund të përfaqësohet në mbledhjet e Asamblesë nga një ortak tjetër apo nga një person i tretë me autorizim. Autorizimi mund të jepet vetëm për një mbledhje të Asamblesë së Përgjithshme, e cila përfshin edhe mbledhjet vijuese me të njëtin rend dite. Personi i autorizuar mund te jete i pranishem ne mbledhje fizikisht ose virtulisht nepermjet komunikimit elektronik.



14.3 Pjesmarrja ne mbledhjet e Asamblese per ortakut qe nuk jane ta pranishme fizikisht mund te realizohet edhe nepermjet mjeteve te ndryshem te komunikimit elektronik, me kusht qe të garantohet identifikimi i ortakëve dhe komunikimi te jete ne kohe reale

#### Neni 15

##### Kompetencat e Asamblesë së Përgjithshme

15.1 Asambleja e Përgjithshme vendos për:

- a. përcaktimin e politikave tregtare;
- b. ndryshimin e Statutit;
- c. emërimin dhe shkarkimin e Administratorit/ëve dhe caktimin e shpërblimit të tij/tyre;
- d. emërimin dhe shkarkimin e likuidatori/ëve dhe ekspertëve kontabël të autorizuar dhe shpërblimin e tyre;
- e. mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe raporteve të ecurisë së veprimtarisë;
- f. miratimin e pasqyrave financiare vjetore dhe raportet e ecurisë së veprimtarisë;
- g. miratimin e zmadhimit dhe zvogëlimit të kapitalit të Shoqërisë;
- h. pjesëtimin e kuotave dhe anulimin e tyre;
- i. përfaqësimin e Shoqërisë në gjykatë dhe në procedime të tjera kundër administratorit/ëve;
- j. shpérndarjen e fitimeve;
- k. riorganizimin dhe prishjen e Shoqërisë;
- l. miratimin e rregullave procedurale të mbledhjeve të Asamblesë;
- m. çështje tjetër të caktuar nga ligji ose nga ky Statut.

#### Neni 16

##### Administratori/ët

16.1 Shoqëria administrohet nga një ose disa Administrator, i/të cili/ët është/janë person fizik, i/të zgjedhur brenda ose jashtë bashkësisë së ortakëve, të cilët emërohen nga Asambleja e Përgjithshme.Në rast të administrimit të Shoqërisë nga dy administratorë, Shoqëria do të administrohet në mënyrë vec e vec nga secili prej administratoreve.

16.2 Administratori/ët emërohet/n për një periudhë 5 (pesë) vjeçare, me të drejtë riemërimi.

16.3 Administratori/ët shkarkohet/n nga detyra, në çdo kohë, me vendim të zakonshëm të Asamblesë së Përgjithshme sipas ligjit.

16.4 Administratori i parë i Shoqërisë është:

**Amarildo Shehu**, shtetas Shqipëtarë , lindur me 10.09.1988 në Fushe Kruje, Shqipëri , i pajisur me kartën e identiteti me nr 032895627 madhorë dhe me zotësit të plotë për të vepruar.

#### Neni 17


##### Kompetencat e Administratorit/ëve

17.1 Administratori/ët është/janë përgjegjës për çështjet e përditshme të Shoqërisë dhe përfaqëson/jnë Shoqërinë në marrëdhënie me të tretët në përputhje me dispozitat e Statutit ose ligjit të zbatueshëm.

17.2 Administratori/ët ka/në të gjitha kompetencat e zakonshme dhe të jashtëzakonshme për administrimin e Shoqërisë, përveç atyre që sipas Statutit ose ligjit të zbatueshëm i takojnë Asamblesë së Përgjithshme.

17.3 Asambleja e përgjithshme mund të vendosë ushtrimin e kompetencave të administratorëve, në rast se ka më shumë se një administrator, ato i ushtrojne kopetencat veç e veç ose së bashku.

17.3 Administratori/ët ka/në kompetencat dhe detyrat e mëposhtme:



- a. mbikëqyr dhe zbaton politikën e biznesit të Shoqërisë;
- b. përfaqëson Shoqërinë;
- c. kujdeset që Shoqëria të zbatojë ligjet dhe standarde mbajtjes së llogarive;
- d. përgatit dhe nënshkruan bilancin dhe raportin e ecurisë së veprimtarisë dhe së bashku me propozimet për shpërndarjen e fitimeve ja paraqet Asamblesë së Përgjithshme për miratim;
- e. siguron që deklaratat e llogarive vjetore si dhe raporti i ecurisë së biznesit dhe çdo deklarim tjetër i detyrueshëm sipas ligjit ose statutit, janë bërë siç duhet;
- f. siguron që auditimi i librave dhe i të dhënave kryhet të paktën një herë në vit nga ekspertë kontabël të certifikuar dhe raporti i llogaritarëve publikë të certifikuar t'i vihet në dispozicion Asamblesë së Përgjithshme;
- g. krijon një sistem paralajmërimi në kohën e duhur përrrethanat që kërcënojnë mbarëvajtjen e veprimtarisë dhe ekzistencën e Shoqërisë;
- h. raporton përpara Asamblesë së Përgjithshme lidhur me zbatimin e politikave tregtare;
- i. kryen çdo detyrë tjetër të caktuar nga ligji ose statuti.

#### **Neni 18**

##### **Viti ushtrimor financiar**

18.1 Viti ushtrimor financiar fillon më 1 Janar dhe mbaron më 31 Dhjetor të çdo viti. Përashtimi, viti i parë financiar fillon në datën e regjistrimit të Shoqërisë në Regjistrin Tregtar dhe përfundon më 31 dhjetor te po atij viti.

#### **Neni 19**

##### **Shpërndarja/likuidimi**

19.1 Për shpërndarjen e Shoqërisë, në çdo kohë dhe për çdo arsy, si dhe për likuidimin dhe përmërimin e likuidatorëve, do të vendoset sipas dispozitave të ligjit shqiptar në fuqi.

#### **Neni 20**

##### **Dispozita të përgjithshme dhe Ligji i Zbatueshëm**


20.1 Shoqëria do të zhvillojë aktivitetin e saj në përputhje të plotë me këtë Statut dhe me legjislacionin shqiptar në fuqi. Për sa nuk është parashikuar në këtë Akt themelimi/ Statut, do të aplikohen dispozitat e legjislacionit shqiptar të zbatueshëm në fushën e shoqërive tregtare.

20.2 Çdo konflikt që mund të lindë në lidhje me zbatimin dhe interpretimin e këtij Statuti, si dhe çdo konflikt që mund të lindë midis Shoqërisë dhe të tretëve, në rastet e përgjegjshmërisë, dhe raste të tjera, do të jetë objekt i zgjidhjes nëpërmjet vendimit të Gjykatës së Rrethit Gjyqësor Tiranë.

20.3 Ky Statut mund të ndryshohet, rishikohet dhe/ose shfuqizohet pjesërisht ose i téri dhe të zëvendësohet me një statut të ri me vendim të Asamblesë së Përgjithshme.

22.4 Ky dokument është hartuar në dy kopje në gjuhën shqipe, më vlerë të njëjtë secila.

#### **ORTAKU I VETEM THEMELUES**

  
Amarildo Shehu  
 Amarildo SHEHU  
